

محراب

افهوقی ، اجتماعی ، فلسفی ، تاریخی ، ادبی مجموعه در
شیمدیلک اون بش کونده نشر اولونور

مدرجات :

- ۱۶۱ «مدرسه لوده اکسینک اولان اصول تدریس میدر» محمد امینی
- ۱۶۲ «شرق و غرب» عبدالحق هادی
- ۱۶۳ «مثل اعلا» ، «صوک» محمد شرف الدین
- ۱۶۴ «سلفلریمیزی طانییالم» حسین شمعی
- ۱۶۵ «مدرسه» فاروق صدیقی
- ۱۶۶ «علی امیری» یوسف ضیا
- ۱۶۷ «منثور نفس : کاظم ظافر — قرآن : عبدالباقی — آجیلر : قدریه حصین — کیجه وکولش :
- ۱۶۸ «حلی ضیا — آجیلر شاعره سنه : شرف کاظم — یه رلوق : ۱۹۱۰

منثور نفس

وجد سکونده ، عرش وحدتده ، سعادت ایمانده در . ای روز کارلره یولداش ، اوجی
 بوجاغی بوش کوکاره سرسری باش ووران آرقداش ! دوران دوندردی . ییللردولاشدیردی
 عصرلر توز ایتدی یوقلغه قاریشدیردی . نه قایناغکدن خبرک وار ، ونه ده اوغراغکه جان
 کوزیکی طوتدک . ارقا کده کنه ییل اوکنده کنه یول دیورسک . کونش تپه کده پارلادی
 ایشیق دیدک علوی سنی یاقدی ؛ آدینی آتش قوتدک . بری ایکی یاپدک هر شیئی بیلدم ،
 کوردم و اوکرندم صاندک ؛ نه ایکی بی برلر کدن آیرا بیلدک . نه او ، کولکه نک سرینه ایره
 بیلدک . ای شاشقین یولچی ! دین قولاغکه حایقیردی صانکه ربک سسی قولاقلریکی طیقادی !
 حقک نوری کوزلریکی قاپادی . نه ایسته دیکنی اکلا دک نه کوردیکنی بیلدک . کویا روحک
 پاصلی برفاوس ایچنده . عارف کنندینی ییلن ، اطرافتی کورن ایمان براقیله عرشک اسرارینه
 عروج ایدندر . بیلکیمیز ایمان صوسز شادروان کیدر .

ای التمش بیک اولوبک پشنه طاقوب طولاشدیردینی قول ! (حیرت) قیویلجمی یینکی
 طوتوشدیردی . کوز مشعله سیله اطرافکی سیچدک . (ذهن) دسته دسته برآرایه طوپلادی
 کوکل ایشله دی . ایمان درینلشدیردی . عارفلر بو انکیین معمایه آهنگ وردیلر . اسرار
 پرده سنی بیرتان ارنلر بزمی طولادیردی . عاشقلر سسلندیلر . صنعت طوغدی . ویل اوخام
 جانلرکه بومیداندن اوزاق قالدیلر نه محراب چوشدیردی نه استغراق دوراننده باش اکدیلر .
 نه زهددن نصیب آلدیلر ونه ده طوپراق قوقان اوزلرینه محبت ایپکندن خلعت دو قودیلر .
 ویل اوکیمه لره که شرابه قان قالدیلر ، عشقه زهر قاریشدیردیلر ، عشق آییننده یالکنز
 دوداق امیدیلر ، یاناق ایصیردیلر ، قیورانیدیلر ، ایکه دیلر ، صوکره هپسنک کوزلری بومولدی
 بودنیا قرا کلغنده غائب اولوب کیتدیلر .

ای قالی جامور ، مایاسی نور اولان (شاه اثر) .

اوستکده فانیت چادیر قوردی ؛ التکده ابدیت پوست سردی . غفلت کوکل آیناسی
 بولاندردی . چادیر بیقلدی خراب اولدی . خراب اولان سن خراب ایدن ینه سنسک .
 ارقداش ! . اکلا دکی ینه سن ؟ . جاموری توز یاپان روزکار سنک باغچه کدن کجدی .
 بالچی طاش یاپان دوران سنک اولکه کدن آقدی . دهنا اکلامدکی ارقداش ؟ .. (سر)
 دیدیکک بوسرا بدن یولی ترک ایت . کندیکه کل ارقداش ! کوزلرکدن کچن ایشیق تا که
 کوکلندن ده کچسین .
 لایطم ظافر